




395




謝宣城詩集

Inches 1 2 3 4 5 6 7 8

Centimetres 1 2 3 4 5 6 7 8 9 10 11 12 13 14 15 16 17 18 19

Blue Cyan Green Yellow Red Magenta White 3/Color Black

TIPPEN Color Control Patches © The Tiffen Company, 2007




謝集

宣城


詩

四部叢刊集部



謝宣城詩集
五卷

四部叢刊集部



上海涵芬樓景印明
 依宋鈔本原書版匡
 高營造尺六寸一分
 寬四寸五分

謝宣城詩集目

卷第一

賦九首

酬德賦

并序

思歸賦

并序

七夕賦

奉護軍
王命作

高松賦

奉司徒亮
陵王教作

杜若賦

奉隨王教作
時年二十六於坐獻

野鷺賦

并序

遊後園賦



臨楚江賦

擬宋玉風賦奉司徒

樂府

齊雲祭歌八首

迎神八章

世祖武皇帝三章

青帝三章

赤帝三章

黃帝三章

白帝三章

黑帝三章

送神五章

四言詩二十八首

侍宴華光殿曲水奉敕為皇太子作九首

三日侍宴華光殿曲水宴代人應詔十首

三日侍宴曲水代人應詔九首

卷第二

鼓吹曲四十三首同賦諸作附

元會曲

郊祀曲

鈞天曲

入朝曲

出藩曲

校獵曲

從戎曲

送遠曲

登山曲

泛水曲

同賦鼓吹曲名以先成為次

同前再賦六首

同賦雜曲名五首

永明樂十首

玉階怨一首

金谷聚一首

王孫遊一首

銅爵悲一首

江上曲一首

曲池之水一首

同謝諮議詠銅爵臺一首

卷第三

詩四十三首

將叢石頭上烽火樓一首

答王世子一首

答張齊興一首

酬王晉安一首

暫使下都夜叢新林在京邑贈西府同僚一首

始出尚書省

直中書省

觀朝雨一首

新亭渚別范零陵雲一首

之宣城郡出新林浦向版橋一首

始之宣城郡一首

宣城郡內登望一首

冬日晚郡事隙一首

後齋迴望一首

落日惆悵一首

望三湖一首

遊山一首

賽敬亭山廟喜雨一首

祀敬亭山一首

遊敬亭山一首

賦貧民田一首

與江水曹至滷干戲一首

送江水曹還遠館一首

送江兵曹檀主簿朱孝廉還上國

臨溪送別一首

將遊湘水尋句溪一首

忝從湘州與宣城吏民別一首

休沐重還丹陽道中一首

移疾還園示親屬一首

出下館一首

遊東田一首

秋夜解講一首

秋夜一首

春思一首

治宅一首

冬緒羈懷示蕭諮議虞田曹劉江二常侍一

首

懷故人一首

夜聽妓一首

京路夜發一首

晚登三山還望京邑一首

高齋視事一首

郡內高齋閑坐答呂法曹一首

卷第四

詩四十六首

直石頭一首 梁武帝附

和蕭中庶直石頭一首

經劉瓛墓下 隨郡王蕭子隆附

登山望雷居士精廬同沈左衛過劉先生墓

下作并序 竟陵王蕭子良附

奉和 虞炎

奉和 柳惲

奉和 沈約

奉和 眺

離夜一首

同前 江丞附

同前 王常侍附

餞謝文學一首 沈約附

同前 虞炎附

同前 范雲附

同前 王融附

同前 蕭琛附

同前 劉繪附

和別沈右率諸君一首

卧疾叙意 王秀之附

和王長史卧病一首

行園 沈約附

和沈祭酒行園一首

北戍琅邪城 江城附

和江丞北戍一首

昧旦出新亭渚 徐勉附

和徐都曹出新亭渚一首

入琵琶峡望積布磯 劉繪附

和劉繪入琵琶峡望積布磯一首

在郡卧病呈沈尚書一首

答謝宣城一首 沈約附

和何儀曹郊遊二首

和劉西曹望海臺一首

和王中丞聞琴一首

和伏武昌登孫權故城一首

夏始和劉潺陵一首

和宋記室省中一首

和王著作八公山一首

和王主簿季哲怨情一首

贈王主簿二首

同王主簿有所思一首

落日同儀曹照一首

和紀參軍服散得益一首

卷第五

詩四十首

和隨王雜詩一十六首

詠春風一首

詠竹一首

詠薔薇一首

詠蒲一首

詠兔絲一首

詠落梅一首

詠東堂桐一首

詠梔子一首

同詠樂器三首

同詠坐上器玩二首

同詠所見一物廿一首

聯句七首

阻雪一首

還途臨渚一首


紀功曹中園一首

閑坐一首

侍筵西席落日望鄉一首

祀敬亭山春雨一首

往敬亭路中一首



謝宣城詩集目錄終

謝宣城詩集卷第一

賦

酬德賦并序

右衛沈侯以冠世備才眷予以國子以一本無建武

二年予將南牧見贈五言予時病既以不堪蒞職又


不獲復詩四年予忝從朱方又致一首迫東徧寇亂

良無暇日其夏還京師且事讌言未遑篇章之思沈

侯之飄藻天逸固難以報章且欲申之賦頌得其盡

體物之旨詩不云乎無言不酬無德不報言既未敢

為酬然所報者寡於德耳故稱之酬德賦其辭曰



悲夫四游之代序六龍騫而不息輕蓋靡於駿奔玉
衡勞於拊翼嗟歲晏之妙歡曾陰默以悽惻玄武伏
於重介宛虹潛以自匿覽其物之用捨相群芳之動
植吊悴軀於華首理衣簪而自敕思披文而信道散
奮懣於宵臆嗟民生之知用知莫深於知已彼知已
之為深信懷之其何已彊弱蔓之蔓延寄陵風於松
杞指曲蓬之直達固有憑於原臬彼排虛與蹶實又
相鳴於林池興伐木於友生詠承筐於君子矧景行
之在斯方寄言於同恥求相仁於積習寓神心於名
理惟敷祥之旅歲實興齊之二六奉武運之方昌觀

沐風之未淋龍樓儼而洞開梁邱煥其重複君奉筆
於帝儲我曳裾於皇穆藉風雲之化景申遊好於蘭
菊結德言而為佩帶芳猷而為服援雅範以自緩懿
前脩之所勛昔仲宣之叢穎實中郎之倒屣及士衡
之籍甚託壯武之高義有杞梓之真心協丹采之輝
被伊吾人之陋薄雖黼藻之何真惟風雅之未變知
雲網之不廓譬曾棟之將傾必華榱之先落翳明離
以上賓屬傳體於織萼周二輝而分崩擗九鼎於重
壑雖魚鳥之欲安駭風川而迴薄微天道之布新嗟
負首其焉託余窘迹以多愧塊離尤而獨處君紆組

於名邦貽話言於川渚悵分手於東津望祖舟而延
佇慮古今之為隔豈山川之云阻賴先德之龍興奉
英靈之電舉事繁泥之密勿腰青縞而容與沾後惠
以竭來竟卒獲其笑語我艤舟以命徒將汨祖於南
夏既勗予以炯戒又引之以風雅若笙簧之在聽雖
舒憂而可假昔疢病於漳濱思繼歌而莫寫思靈降
之未已奉京粉而作傳臨邦塗之永陌懷余馬於騏
馬望平津而出宿登崇岡而興賦顧歸憶之南迴引
行鑣而東驅何瓌才之博侈申贈辭於萱樹指代匠
而切偲比治素而引喻方含毫而報章迫紛埃之東

騫釋末位以言歸忽乘駟以南赴連篇章之莫訓欲
寄言於往句類鍛翮之難矯似洞源之不注意搔搔
以杼袖視營營而馳騫爾腰戟於戎禁我拂劍於郎
闈願同車以日夜成望昏而掩扉時遊盤以未極曠
落景之徂輝若清顏之倏忽各惟賞之多遺排重關
而休告知南館之有依驂職門以右轉僕望路其如
歸忘清漏之不緩惜曉露之方晞聞夫君之東守地
隱蓄而懷仙登金華之問道得石室之名篇悟寰中
之迫脅欲輕舉而捨旃離寵辱於毀譽去天伐於腥
羶忽携手以上征躋中皇之脩迥巾帝車之廣軾掉

河舟之輕艇歷星街之熠燿浮天潢之澗溟機九轉
於玉漿練七明於神鼎吹萬化而不喧度千春之可
並齊天地於倏忽安事人間之紆埒哉

思歸賦并序

夫鑒之積也無厚而給窮神之照心之徑也有域而
懷重淵之深余少而薄遊身防方思俄然萬

里晚自

省諒非一塗何別

此後闕

余菲薄以固陋受恩靈而不訾施鍾黃之沃苦剖金
符之陸離舟未濟而河廣塗方遙而馬疲忽中寢而
念厲魂申旦而九移昔受教於君子逢知己之隆時

官成之藻絢羗服義而不怠豈臨披名立之利儀沾
岐而喻變勢方迅於轉圓理好旋於奔電援弱葛而
能并踐重岡而不眩信提福之非已寧悔禍其如見
大明廓以高臨吹萬欣而同悅跨神臯之沃衍奉英
藩之睿哲承比屋之隆化踵芳塵之餘烈懷齷齪之
偏心無夸毗之誕節竟伊鬱而不怡賴遐討於先哲
粉吾生之遊蕩彌一紀而歷茲自下車於江海涉青
春於是時暎崇芒而引領望大夏而長思雖曲街之
委陋猶寤寐而見之况神交而通夢眇河漢於佳期
尔乃眷言薄暮南眺悠然捋整歸轡願受一塵考華

城之直陌相洛浦之迴阡連飛甍於故友接開館以
懷仙臨南塲以藝藿寄北池而採蓮晞激莖之霍霍
望水葉之田田乃翦山木不日為功非輪非輿去斲
去礮夜索綯而繞繞旦乘屋而茫茫竹播踦區而經
此繩閤窈窕以臨東布蘭蕭於踈撩織莢亂於迴櫬
於是籬插芳槿門拂長楊園桃春發牕竹夏涼晨露
晞而草馥微風起而樹香蕪芬菲以襲予空旆旒於
都房恒離居以歲月庸銷落而徒傷我聞時命有殖
無遷徵事或在求理未甄譬豐草之區別隨霜露而
天迤皆萱鮮於堂北尚幽幽而未捐苟外物以能惑

亦在應而無騫况朝霞之彩可嚙瓊扉之飾方宣養
以虛白之氣悟以無生之篇豈加璧之贈可勅執珪
之位能纏歸采薄命聊以永年

七夕賦

奉護軍
王命作

金祇司炬火曜方流素鍾登御夷津鳴秋未光既夕
涼雲始浮盈多露之藹藹并明月之悠悠步廣階而
迤膝屬天媛之淹留嗟斯靈之淋景招好仇於彤箱
邁垣娥而擢質凌瑤華而擅芳殿白玉以為飾霏丹
霞而為裳迴龍駕之容喬亂鳳管之淒鏘騰燭光於
西極命二妃於瀟湘軼帝車而捐袂凌天津而上翔

悵漢渚之夕漲欣河廣之既梁臨瑤席而宴語綿舍
睇而城揚嗟蘭夜之難永泣會促而怨長忌織河之
方駕吝長庚之末光撫鳴琴而情况浩安歌而自傷

歌曰

清絃愴兮桂觴酬雲幄靜兮香風浮龍鑣蹠兮玉鸞
整瞻星河兮不可留分雙袂之一斷何四氣之可周
斯乃嚮像恍惚髻鬋幽懷耳之無聞目之無績故鐘
鼓聞而延子隱白日沈而李后對豈形器之所未亦
理將其如昧君王壯思風飛冲情雲上顧楚詩而縱
轡瞻蘭書而競爽實研精之多暇聊餘日之駘蕩賦

幽靈以去惑排視聽而玄性晒陽雲於荆夢賦洛篇
於陳想乃澄心而閑邪度網繆於茲賞

高松賦

奉司徒竟陵王教作

開品物於幽記訪叢育於秘經迎記林之珍望識斯
松之最靈提於巖以群茂臨於水而宗生豈榆柳之
比性指冥椿而等齡若夫脩幹垂陰喬柯飛穎望肅
肅而既閑即微微而方靜懷風音而送聲當月露而
留影既芊眠於廣隰亦迢迢於孤嶺集九仙之羽儀
棲五鳳之光景固松木之為選貫山川而自永尔乃
青春受謝雲物含明江臯綠草曖然已平紛弱葉而

疑照競新藻而抽英陵翠山而如剪施懸蘿而共輕
至於星回窮紀沙馮相飛同雲映其無色陽光沉而
減暉卷風颯之吸欬積霰雪之嚴霏豈凋貞於歲暮
不受令於霜威若乃體同器制質兼上才夏書稱其
岱畎周篇詠其徂徠乃屈已以弘用構大壯於雲臺
幸為翫於君子留神心而顧懷君王乃徒讌蘭室解
佩明椒寒幽蘭於夕陰詠聳幹於琴朝陵高山以致
思御風景而道遠夷徽冕之隆貴懷汾陽之寂寥邈
道勝於千祀蘊神理而自超夫江海之為大實消澮
之所歸瞻衡恒之峻極不讓壤於塵微嗟孤陋之無

取幸聞道於清微理弱羽於九萬愧不能兮奮飛

杜若賦

奉隨王教作時年
二十六於坐獻

憑瑤圃而宣游臨水木而延佇柳含色於遠岸泉鏡
流於枉渚蔭綠竹以淹留藉幽蘭而容與覽茲榮之
悅茂紛為芳於清蘩觀夫結根擇色叢耀垂英綠春
戀以織布蔭涼潭而影清景奕奕以四照枝靡靡而
葉傾冒霜蹊以獨蒨當春郊而迓平寧汀州以企予
懷石泉於幽情嗟中巖之織草厠金芝於芳叢夕舒
榮於溽露旦發彩於春風承羲陽之光景庶無悲於
轉蓬

野鷺賦 并序

有門人斃二野鷺因以為獻余時命以登俎用待賓客客有愛其羽毛請余為賦其詞曰

夫何羅人之伎巧薦江海之逸禽落摩天之逆羽絕歸飛之好音碎文錦之丹臆裂雕綺之翠衿孤雛驚以摩翼羈雌叫而莫尋越滄流以遠致乃交貿以蕪金因闍寺以傳言排遠戶以重深貴敷任以取愛願登俎以甘心

遊後園賦

積芳兮選木幽蘭兮翠竹上蕪蕪以蔭景下田田兮

被谷左蕙畹兮彌望右芝原兮寫目山霞起而削成水精明以經復於是敞風閨之藹藹聳雲館之蒼蒼周步欄以升降對玉堂之沉寥追夏德之方暮望秋清之始颯籍宴私而遊衍特晤語而逍遙尔乃日栖榆柳霞照夕陽孤蟬以散去鳥成行惠氣湛兮惟殿肅清陰起兮池館涼陳象設兮以玉瑱粉蘭藉兮咀桂漿仰微塵兮美無度奉英軌兮式如璋籍高文兮清談預含毫兮握芳則觀海兮為富乃游聖兮知方

臨楚江賦

爰自山南薄暮江潭滔々積水裏々霜嵐夏與夏兮

竟無際客之行兮歲已嚴尔乃雲沈回岫風蕩中川
馳波鬱素駭浪浮天明沙宿莽石路相懸於是霧隱
行鴈霜眇虛林迢迢落景萬里生陰列攢茄兮極浦
弭蘭鷁兮江潯奉玉罇之未暮飡勝賞之芳音願希
光兮秋月庶未照於遺簪

擬宋玉風賦

奉司徒

起日域而搖落集桂宮而送清閣翠帳之影藹響竹
珮之輕鳴揚淮南之妙舞發齊后之妍聲下鴻池而
蓮散上雀臺而雲生至於新虹明歲高月照秋晬儀
迺豫冲想雲浮鄒馬之賓咸至申穆之體已酬朝役

登樓之詠夕引小山之謳歇朱邱之沉遠思輕舉而
遠游驕驪之馬魚躍飄鑿車而水流此乃宋玉之盛
風也夫子雲寂寂寂寂夜高張煙霞潤色荃蕙結芳出
澗幽而泉冽入山戶而松涼眇神王於丘壑獨超遠
於孤觴斯則幽入之風也

樂府

齊雪祭歌八首

清明暢禮樂新候龍景練貞辰

陽律亢陰晷伏耗下土薦稂莠

宸儀警王度乾嗟雲漢望昊天

張盛樂奏雲舞集五精延帝祖

雩有諷祭有秩秬鬯芬圭瓚苾
靈之來帝閣開車煜燿吹徘徊
停龍輶徧觀此凍雨飛祥雲靡
壇可臨奠可歆對此正鑒皇心

右迎神歌八章章四句句三言

濟哲維祖長發其武帝出自重震光御寓七德攸宣
九疇咸叙靜難荆衡疑威彘浦
昧且不遂夕惕刑政化一車書德馨染盛昭星夜景
非雲曉慶衢室成陰壁水如鏡
禮克玉帛樂被匏絃於錄在詠陟配于天自宮祖兆

靡愛牲牲我將我享永祚豐年

右世祖武皇帝歌三章章八句句四言

營翼日鳥殷宵凝冰泮玄蟄昭

景陽陽風習習女夷歌東皇集

奠春酒秉青珪命田祖渥群黎

右青帝歌三章章四句句三言

惟此夏德德恢台兩龍在御炎精來

火景方中南譎秣靡草云黃含桃實

族雲翳鬱温風煽興雨祁祁黍苗遍

右赤帝歌三章章二句句七言

稟火自高明
毓金挺剛克
涼燠資成化
群方載厚德
陽季勾萌達
炎祖溽暑融
商暮百工止
歲極凌陰冲
泉流流已清
原隰遠而已作平
咸言祚惟億
敷民保
高京

右黃帝歌三章章四句句五言

帝說于兌報
拜固司歲百川
收潦精景應
金方嘉樹離披
榆闕命賓鳥
夜月如霜金風
方嫋嫋商陰肅殺
萬寶咸赤道勞
載望歲場切冀
可收

右白帝歌三章章二句句九言

白日短玄夜深
招搖轉移大陰
霜鍾鳴冥陵
起星迴

天月窮紀

聽嚴風來不息
望玄雲黝無色
曾冰冽積羽幽
飛雪至天山側

闕梁開方不巡
合國吹響蜡賓
統微陽究終始
百禮洽萬祚臻

右黑帝歌三章章四句句六言

敬如在禮將
周神之駕不少
留躍龍鑣轉金
蓋紛上馳雲之
外

警七曜詔八神
排閭闔渡天津
有滄興膚寸積
雨冥冥又終夕

俾栖糧惟萬箱里情暢景明昌

右送神歌五章章四句句三言

四言詩

侍宴華光殿曲水奉敕為皇太子作

旁求遂古逃聽鴻名大賢口位得一為貞朱緋叶社

綠字摘英汁配同貫進讓殊聲

大橫將屬會昌已命國步中阻宸居膺慶璽劍先傳

龜玉增映宗堯有緒復禹無競

禮行郊社人神受職寶效山川鱗羽變色玄塞北靡

丹徼南極浮堯駕風飛非一作泳登非一作陟

能官民秀利建天跗擗鷄列野營絳分區論思帝則

獻納宸樞麟趾方一作定鷄翼誰濡

西帝謁：東都濟：秋枝濯流春禊浮醴初吉云獻

上除方啓昔駕陽頻一作今帳雲陞

嘉樂舊矣芳宴在斯載留神曠有睟天儀龍精已映

威仰未移葉依黃鳥花落春池

高殿弘敞禁林稠密青磴崛起丹樓間出翠葆隨風

金戈動日惆悵清管徘徊輕佻

灞澹入遙河淇流昨海若一作來往觴肴沂歡飶

終日清光欲暮輕貂一作回道一作華組徐步一作終日

終有

登賢博望獻

一作賦

清漳漢武稱敏魏兩垂芳監撫

有則七鬯無方瞻言守器永媿元良

三日侍華光殿曲水宴代人應詔

群分未辨類聚茲式天曠休明且未至德御繁實簡

制動惟默官府百王衣裳萬國

中葉遭閔副內多遺悠靈貺爰有適歸於昭睿后

撫運天飛凝居中縣神動外畿

縣象著明離光乃位我有儲德微猷淵備長壽察書

龍樓迴轡重道上庠行遵儒肆

朝陽有幹布葉萋思皇威矣鷓羽高棲出馳先輅

入秉介珪瞻素望并建魯分奎

求賢每勞得士方逸有覺斯順無文咸秩萬箱惟重

百篋載卹屈草戒諛階冀紀日

文教已肅武節既馳榮光可照合璧如規載懷姑射

尚想瑤池濯龍乃飾天淵在斯

作樂順動寶符時義上春初吉亦留淵寄紅樹巖舒

青莎一作蘊水被雕梁虹拖雲甍鳥跂

高懸甲帳周褰黼帷長筵列陛激水旋墀浮醪聚蟻

靈祭呈姿河宗躍跼海介夔跣

弱腕纖腰遷延妙舞秦箏趙瑟殷勤促柱降席連結
稱觴接武稽首萬年獻茲多祐

天地既成泉流既清薄暮沾幸屬奉文明將標齊配
刻掃秦京願馳龍漢飲馬縣旌

三日侍宴曲水代人應詔

神埋內寂機象外融遺情汾水垂見鴻宮樹以司牧
匪我求蒙徒勤日用誰器玄功

往晦必明來碩資蹇於皇先聖時乘御辯寶曆載暉
瑤光重踐昭，舊物熙，遷善

當宇日吳求衣未明抵璧焚翠銷劍陳城九疇式序

三群再清虞箴罔闕滕奏傳聲

麗景則春儀方在震重聖積厚金式瓊潤天爵必諧
王臣咸蓋譬諸華霍惟邦之鎮

正朔蔥澣冠冕邛越爭長明堂相趨魏闕龜象南薦
環裘西發巢閣易窺馴庭難賊

上已惟昔于彼禊流袂穢河澣張樂春疇既停龍駕
亦汎鳧舟靈宮備矣無待茲遊

初鷺命曉朝霞

一作華

開夜飾陞導源迴伊流灞極望

天淵曲阻諺榭閣巖敞長廊水架

金觴搖蕩玉俎推移筵浮水豹席擾雲螭寒亮琴瑟

嗷吡埵麓觀茲廣譙穆是天儀
周道如砥康衢載直徒媿玄黃負恩無力華幡徒駕
長纓未飾相彼失晨寧忘鼓翼

謝宣城詩集卷第一

謝宣城詩集卷第二

鼓吹曲

元會曲

二儀啓昌曆三陽應慶期
珪贄紛咸序鯁譯操來思
分階絕組練充庭羅翠旗
觴流白日下吹溢景雲滋
天儀穆藻殿萬宇壽皇基

郊祀曲

六宗禋配嶽五時奠甘泉
整蹕游九闕清簫開八埏
鎗鎗玉鑾動溶溶金陣旋
均宮光已屬注音升柴禮既
虔福饗雲之集南嶽固斯年

鈞天曲

高宴顯天臺置酒迎風觀笙鏞禮百神鍾石動雲漢
瑤池寶瑟驚綺席舞衣散紫鳳來參差玄鶴至凌亂
已慶明庭樂誰想南風彈

右三曲頌帝功

入朝曲

江南佳麗地金陵帝王州逶迤帶綠水迢遞起朱樓
飛甍夾馳道垂楊蔭御溝凝笳翼高蓋疊鼓送華輶
獻納雲臺表功名良可收

出藩曲

雲枝紫微內分組承明阿飛龍遡極浦旌節去閔河
眇蒼山色沉寒水波鏡音色渝曲簫鼓盛唐歌
夫君邁惟德江漢仰清和

校獵曲

凝霜冬十月殺盛涼颯關原澤廣千里騰騎紛往來
平置望烟合烈火從風迴殪獸華容浦張樂荆山臺
虞人皆有喻明哲時戒哉

右三曲頌藩德

從戎曲

選旅辭輶轅弭節迢何源日起霜戈照風迴連旗翻

紅塵朝夜合黃沙萬里昏
嘹唳清笳轉蕭條邊馬煩
自勉輟耕願征役去何言

送遠曲

北梁辭歡宴南浦送佳人
方衢控龍馬平路騁朱輪
瓊筵妙舞絕桂席羽觴陳
白雲丘陵遠山川時未因
一為清吹激潺湲傷別中

登山曲

天明開秀峯瀾光媚碧堤
風盪翻鸞亂雲行芳樹低
暮春春服美游駕陵舟梯
升嶠既小魯登巒且悵齊
王孫尚遊行蕙草芳萋萋

泛水曲

玉露沾翠葉金風鳴素枝
罷遊平樂苑泛鷁昆明池
旌旗散容裔簫鼓吹參差
日晚厭遵渚採菱贈清漪
百年如流水寸心寧共知

右四曲 闕三字

同知右率諸公賦鼓吹曲名先成為次

芳樹

沈右率約

葳蕤九華嶼開跼露寒側
氛氲非一香參差多異色
宿昔寒颯舉摧殘不可識
霜雪交橫至對之長嘆息

當對酒

范通直雲

對酒心自足故人來共持方悅羅衿解誰念髮成絲
徇徃良為達求名本自欺追君當歌日及我傾樽時
臨高臺 眺時為隨王文季

千里常思歸登臺瞻綺翼裁見孤鳥還未辨連山極
四面動清風朝夜起寒色誰識一作倦遊者嗟此故

鄉憶

巫山高

王尹丞融

仿像巫山高薄暮陽臺曲烟華乍舒卷行芳時斷續
彼美如可期寤言紛在屬撫然坐相望秋風下庭綠

有所思

劉中書繪

別離安可再而我更重之佳人不相見明月空在惟
共銜滿堂酌獨斂句隅眉中心亂如雲寧知有所思

同前再賦

芳樹

眺

早翫華池陰復鼓滄洲柁旖旎芳若斯葳蕤紛可繼
霜下桂枝銷愁與飛蓬遊不厠玉盤滋誰憐終姜細

同前

融

相望早春日煙花雜如霧復此佳麗人含姿結芳樹
綺羅已自情萱風多有趣去來徘徊者佳人不可遇

臨高臺

約

高臺不可望遠望使人愁連山無斷絕河水復悠悠
所思獲何在洛陽南陌頭可望不可至何用解人憂

有所思

融

如何有所思而無相見時宿昔夢顏色階庭尋履綦

高歌更何已引滿終自期一作欲知憂能老為視鏡

中絲

巫山高

繪

高堂與巫山參差鬱相望灼燦在雲間氛氳出霞上
散雨收夕臺行雲卷晨帳出沒不易期嬋娟似惆悵

同前

巫山高不極白日隱光暉遙朝雲出冥暮雨歸
巖懸無獸跡林暗鳥疑飛枕席竟誰薦相望空依依

同賦雜曲名

陽春曲

檀秀才

青雲獻初歲白日映雕梁蘭萌猶自短菰菜未能長

已見花紅落復聞花藥香樂此試遊行誰知心獨傷

綠水曲

江朝請

塘上蒲欲齊汀洲杜將歇春心既易蕩春流豈難越
桂棹及春風菱影映初月芳草若可贈為君步羅襪

採菱曲

陶功曹

朝日映蘭澤乘風入桂嶼棹歌已流倡輕舟復容與
勿遽桂期移方追明月侶採採詎盈菊還望空延佇

秋竹曲

眺時為宣城守

嬾娟綺窓北結根未參差從風既裊裊映日頗離離
欲求棗下吹別有江南枝但能凌白雪貞心蔭曲池

白雪曲

朱孝廉

凝雲沒霄漢從風飛且散連翩下幽谷徘徊依井幹
既興楚客謠亦動周王歎所恨輕寒質不迨春歸旦

永明樂

第一

帝圖潤九有皇風浮四溟永明一為樂咸池無復靈

第二

民和禮樂富世清歌頌徽鴻名軼卷領稱首邁垂衣

第三

朱臺鬱相望青槐紛馳道秋雲湛甘露春風散芝草

第四

龍樓日月照淄館風雲清儲光温似玉藩度式瓊

第五

化洽鯉海君恩變龍庭長西北鷺環裘東南盡龜象

第六

出車長洲苑選旅朝夕川絡絡結雲騎奕奕泛戈舡

第七

燕駟遊京洛趙服疆有暉清歌留上客妙舞將歸

第八

實相薄五禮妙化開六塵明祥已玉燭金輪

第九

生茂芋蘿性身與佳惠隆飛纓入華殿從步出重宮

第十

綵鳳鳴朝陽玄鶴舞清商瑞此永明曲千載今為皇

帝圖闡玉階怨風新四葉承此一為樂知此無窮靈

夕殿下珠簾流螢飛復息長夜縫羅衣思君此何極

金谷聚

璩稅送佳人玉栢要上客車馬一東西別後思今夕

王孫遊

綠草蔓如絲雜樹紅英發無論君不歸君歸芳已歇

銅爵悲

落日高城上餘光入總帷寂寂深松晚寧知琴瑟悲

江上曲

易陽春草出踟躕日已暮蓮葉何田田淇水不可渡
願子淹桂舟時同千里路千里既相託桂舟復容與

江上可採蓮清歌共南楚

曲池之水

緩步遵莓渚披襟待蕙風芙蓉舞輕帶包筍出芳叢

浮雲自西北海江思無窮鳥去能傳響見我綠琴中

綠琴一作側琴

同謝諮議詠銅爵臺

總帷飄井幹樽酒若平生鬱鬱西陵樹詎聞歌吹聲

芳襟染淚迹婢媵空復情玉座猶寂寞况乃妾身輕

謝宣城詩集卷第二

謝宣城詩集卷第三

將發石頭上烽火樓

徘徊戀京邑躑躅躑躅曾何陵高墀闕近眺迴風雲多

荆吳阻山岫江海合瀾波歸飛無羽翼其如別離何

荅王世子


飛雪天山來飄聚繩樞外蒼雲暗九重北風吹萬籟

有酒招親朋思與清顏會熊席惟尔安羔裘豈吾帶

公子不垂堂誰肯憐蕭艾

荅張齊興

荆山從百里漢廣流無極北馳星畧正南望朝雲色



川隰同幽快冠冕異今昔子肅兩岐功我滯三冬職
誰知京洛念髣髴昆山側何夕登城壕潛池隱復直
地迴聞遙蟬天長望歸翼清文忽景麗思泉紛寶飾
勿言脩路阻勉子康衢力曾崖竄且寒歸軫逝言陟

酬王晋安

梢梢枝早勁塗塗露晚晞南中榮橘柚寧知鴻鴈飛
拂霧朝清閣日旰坐形闕悵望一途阻參差百慮依
春草秋更綠公子未西歸誰能久京洛緇塵染素衣
暫使下都夜茂新林至京邑贈兩府同僚

大江流日夜客心悲未央徒念閨山近終知返路長

秋河曙耿耿寒渚夜蒼蒼引領見京室官雉正相望
金波麗鸕鷀玉繩低建章驅車鼎門外思見昭丘陽
馳暉不可接何況隔兩鄉風煙有鳥路江漢限無梁
常恐鷹隼擊時菊委嚴霜寄言尉羅者寒廊已高翔

始出尚書省

惟昔逢休明十載朝雲陛既通金闥籍復酌瓊筵醴
宸景厭照臨風昏淪繼體紛虹亂朝日濁河穢清濟
防口猶寬政餐荼更如薺英袞暢人謀文明固天啓
青精翼紫軼黃旗映朱邸還覩司隸章復見東都禮
中區咸已泰輕生諒昭洒趨事辭宮闕載筆陪旌祭

邑里何踈蕪寒流自清泚衰柳尚沈沈凝露方泥泥
零落悲友朋歡娛宴兄弟既棄丹石心寧流素絲涕
因此得蕭散垂竿深澗底

直中書省

紫殿肅陰陰彤庭赫弘敞風動萬年枝日華承露掌
玲瓏結綺錢深沉映朱網紅蕖當階翻蒼苔衣砌上
茲言翔鳳池鳴珮多清響信美非吾室中園思偃仰
朋情以鬱陶春物方駘蕩安得凌風翰聊恣山泉賞
觀朝雨

朔風吹飛雨蕭條江上來既灑百常觀復集九成臺

空濛如薄霧散漫似輕埃平明振衣坐重門猶未開
耳目暫無擾懷古信悠哉戢翼希驥首乘流畏曝鱉
動恩無兼遂政路多徘徊方同戰勝者去翦北山菜

新亭渚別范零陵

雲

洞庭張樂地瀟湘帝子游雲去蒼梧野水還江漢流
停驂我悵望輜幘子夷猶廣年聽方籍茂陵將見求
心事俱已矣江上徒離憂

宣城郡出新林浦向板橋

江路西南求歸流東北驚天際識歸舟雲中辨江樹
旅思倦搖搖孤游昔已屢既懽懷祿情復協滄洲趣

三
器塵自茲隔賞心於此過雖無玄豹姿終隱南山霧
始之宣城郡

下帷闕章句高談愧名理踈散謝公卿蕭條依掾史
簪髮逢嘉惠教義承君子心迎苦未并憂歡將十祀
幸霜雲雨慶分纒參多士振鷺徒追飛群龍難隸齒
烹鮮止貪競共治屬廩聃伊余昧損益何用祇千里
解劍北宮朝息駕南川涖寧希廣平詠聊慕華陰市
棄置宛洛遊多謝金門裏招招漾檝行行趨巖趾
江海難未從山林於此始

宣城郡內登望

借問下車日匪直望舒圓寒城一以眺平楚正蒼然
山積陵陽阻溪流春穀泉威紆距遥甸嶢岬帶遠天
切切陰風暮桑柘起寒烟悵望心已極怊恍視屢遷
結髮倦為旅平生早事邊誰規鼎食盛寧要狐白鮮
方棄汝南諾言稅遼東田

冬日晚群事隙

案牘時間暇偶坐觀卉木颼颼滿池荷脩脩蔭牕竹
簷隙自周流房櫺閑且肅蒼翠望寒山崢嶸瞰平陸
已惕慕歸心復傷十里目風霜旦夕蔭蕙草無芬馥
云誰羨笙簧孰是厭過軸願言追逸駕臨澤餌秋菊

後齋向望

高軒瞰四野臨牖眺襟帶望山白雲裏望水平原外
夏木轉成惟秋荷漸如蓋翠洛常暎然搖心似懸旆
落日悵望
味旦多紛喧日宴未遑捨落日餘清陰高枕東牕下
寒槐漸如東秋菊行當把借問此何時涼風懷朔馬
已傷慕歸客復思離居者情嗜幸非多業牘偏為寡
既乏琅邪政方憩洛陽社

望三湖

積水照頽霞高臺望歸翼平原周遠近連汀見紆直

歲蕤向春秀芸黃共秋色薄暮傷我人嬋媛復何極

遊山

託養因支離乘閑遂疲蹇語默良未尋得喪云誰辨
幸蒞山水都復值清冬緬凌崖必千仞尋溪將萬轉
堅崿既峻嶒迴流復宛澶杳杳雲竇深淵淵石溜淺
傍眺鬱葉筍還望深樾樾荒隩被歲莎崩壁帶苔蘚
聽狖呌層巘鷗鳥戲沙汀觸賞聊自觀即趣咸已展
經日惜所遇前路方踐無言蕙草歇留垣芳可攀
尚子時未歸生思自免求志昔所欽勝迹今能選
寄言賞心客得性良為善

賽敬亭山廟喜雨

夕帳懷椒糝蠲景潔管籥登秋雖未獻望歲佇年祥
潭淵深可厲狹斜車未方蒙籠度絕限出沒見林堂
秉玉朝群帝樽桂迎東皇排雲接虬蓋蔽日下霓裳
會舞紛瑤席安歌逸鳳梁百味芬綺帳四座沾羽觴
福延岷澤樂極思故鄉登山騁歸望原雨晦茫茫
胡寧味千里解佩拂山莊

祀敬亭山廟

翦削蕪太華崢嶸跨玄圃具闕眈阿官薜帷陰網戶
參差時木末徘徊望澧浦椒醑若馨香無絕傳終古

遊敬亭山

茲山亘百里合沓與雲齊隱淪既已託靈異居然棲
上千蔽白日下屬帶迴溪交藤荒且蔓樛聳復低
獨鶴方朝唳饑聽此夜啼泄雲已漫漫夕雨亦淒淒
我行雖紆組蕪得尋幽蹊綠源殊未極歸徑宵如迷
要欲追奇趣即此陵丹梯皇恩竟已矣茲理庶無睽
賦貧民田

假

一作遇

一作非

將迎

靖共

一作拱

延

殊慶

中歲

歷三

臺旬月

典邦政會

一作曾

是共

治怡

一作情

敢忘

卹貧病

將無富教禮孰有知方性敦本抑工商均業省蕪并

察壤見泉脉，現呈視農正。黍稷綠高殖，一作徐即
卑盛舊埒新。滕分青苗白，水映遙樹匝。清陰連山周，
遠淨即此風。雲佳孤觴聊，可命既微三。載道庶藉兩，
岐詠俾爾倉廩實。余從谷口鄭，
與江水曹至濱干戲，
山中上芳月，故人清罇賞。遠山翠百重，迴流映千丈。
花枝聚如雪，蕪絲散猶網。別後能相思，何嗟異封壤。

送江水曹還遠館

高館臨荒途，清川帶長陌。上有流思入，懷舊望歸客。
塘邊草雜紅，樹際花猶白。日暮有重城，何由盡離席。

送江兵曹檀主簿朱孝廉還上國

方舟泛春渚，携手趨上京。安知慕歸客，詎憶山中情。
香風藥上發，好鳥葉間鳴。揮袂送君已，獨此夜琴聲。

臨溪送別

悵望南浦時，徒倚北梁步。葉下涼風初，日隱輕霞暮。
荒城迥易陰，秋溪廣難渡。沫涇豈徒然，君子行多露。
將遊湘水尋句溪

既從陵陽釣桂鱗，赤螭方尋桂水原。謁帝蒼山岳

辰哉且會乘景弄清漪瑟

浚赴兩歧

輕籟上靡靡，雜石下離離。寒草分花映，戲鮪乘空移。

興以暮秋月清霜落素枝魚鳥余方翫纓綉君自磨
及茲暢懷抱山川長若斯

忝役湘洲與宣城吏民別

弱齡倦簪履薄晚忝華輿開沃盡地區山泉諧所好
幸遇昌化穆博一作淳俗罕驚暴四時從偃息三省無
侵冒下車遽暄席紆綵姑黠竈榮辱未皇敷德禮何
由導汨徂奉南岳蕪秩典邦號疲馬方云驅鉛刀安
可操遺惠良寂寞恩靈亦匪報桂水日悠悠結言幸
相勞吐納貼爾和窮通勗所蹈

休沐重還丹陽道中

薄遊第從昔思閑願罷歸還叩歌賦似休汝車騎非
灞池不可別伊川難重遠汀葭稍靡。江蒺復依。
田鵠遠相叫沙鷄忽爭飛雲端楚山見林表吳岫微
試與征徒望鄉淚盡沾衣賴此盈樽酌含景望芳菲
同我勞何事露沐仰清徽志狹輕軒冕恩甚戀閨闈
歲華春有酒初服偃郊扉

移病還園示親屬

疲策倦人世歛性就幽蓬停琴佇涼月滅燭聽歸鴻
涼薰乘暮漸秋華臨夜空葉低知露密崖斷識雲重
折荷葺寒袂開鏡眎衰容海暮騰清氣河關秘樓冲

烟衡時未歇，芝澗去相從。

出下館

麥候始清和，涼雨銷炎燠。紅蓮採弱荇，丹藤繞新竹。物色盈懷抱，方駕娛耳目。零落既難留，何用存華屋。

游東田

戚戚苦無悰，携手共行樂。尋雲陟累榭，隨山望菌閣。遠樹曖仔仔，生烟紛漠漠。魚戲新荷動，鳥散餘花落。不對芳春酒，還望青山郭。

秋夜講解

四緣去誰肇，七識習未央。沉沉一作瀟瀟倒營魄，苦蔭感

愁勝琴瑟徒，爛熳誇容空。滿堂春顏遽，幾日秋龍終。

茫茫孰云濟，沉溺假願託。津梁惠唱搗，泉湧妙演發。

金相空有定，無執實實固。兩忘自來乘，首夏及此申。

暮霜雲物清，晨景衣巾引。夕涼風振蕉，蓬裂衣霜下。梧

楸傷一作露下六龍耳無惜，三相寧久長。何時接靈

應及子同舟航。

秋夜

秋夜促織鳴，南鄰擣衣急。思君隔九重，夜夜空佇立。

北窓輕幔垂，西戶月光入。何知白露下，坐視階前濕。

誰能長分居，秋盡冬復及。

春思

茹溪發春水，毗山起朝日。蘭色望已同，萍際轉如一。
巢鷺聲上下，黃鳥弄傳匹。邊郊阻遊衍，故人盈契闊。
夢寐藉假，黃思歸賴。倚瑟幽念漸鬱，陶山楹永為室。

治定

結宇夕陰，街荒途橫。九曲迢遞，南川陽迤。灑西山足，
闌館臨秋風。敞憲望寒旭，風碎池中荷。霜翦江南菜，
既無東都金，且稅東臯粟。

冬緒霸懷示蕭諮議虞田曹劉江二常侍

去國懷丘園，入遠滯城闕。寒燈耿宵夢，清鏡悲曉髮。

風草不留霜，水池共如月。寂寞此閑惟，琴樽任所對。
客念坐嬋媛，年華稍菴蔓。風慕雲澤遊，共奉荆臺績。
一作績一聽春鶯喧，再視秋虹沒。疲驂良易返，恩一作
波不可越。誰慕臨淄鼎，當希茂陵渴。依隱幸自從，求
心采蕪昧方軫。歸歎願故山，芝未歇。

懷故人

芳洲有杜若，可以贈佳期。望望忽超遠，何由見所思。
我行未千里，山川已間之。離居方歲月，故人不在茲。
清風動簾夜，孤月照窓時。安得同携手，酌酒賦新詩。

夜聽妓二首

瓊閨釧響聞瑤席芳塵滿要取洛陽人共命江南管
情多舞態遲意傾歌弄緩知君密相親寸心傳玉枕

又

上客光四座佳麗直千金挂釵報纓絕墮珥答琴心
娥眉已共笑清香復入衿歡樂夜方靜翠帳垂沉沉

京路夜發

擾擾整夜裝肅肅戒徂兩曉星正寥落晨光復泱泱
猶霑餘露團稍見朝霞上故鄉邈巴蜀山川脩且廣
文奏方盈前懷人去心賞教躬每跼踖瞻恩惟震蕩
行矣倦路長無由稅歸鞅

晚登三山還望京

灞溪望長安河陽視京縣白日麗飛甍參差皆可見
餘霞散成綺澄江靜如練喧鳥覆春洲雜英滿芳甸
去矣方滯淫懷哉罷歡宴佳期悵何許淚下如流霰
有情知望鄉誰能鬢不變

高齋視事

餘雪映青山寒霧開白日暖暖江村見離離海樹出
披就清憑軒方乘筆列俎歸單味連駕止容膝
空為大國憂紛詭諒非一安得掃蓬徑銷吾愁與疾

郡內高齋閑望答呂法曹

呂僧珍為
齊王法曹

結構河迢遼曠望極高深窓中列遠岫庭際俯喬林
日出衆鳥散山暝孤猿吟已有池上酌復此風中琴
非君美無度孰為勞寸心惠而能好我問以瑤華音
若遺金門步見就此山岑

此一作玉

謝宣城詩集卷第三

謝宣城詩集卷第四

直石頭

蕭衍

率土皆王土安知全高尚東壑弃黍稷西游入卿相
屬逢利建始投分參末持尺一功未施河山賞已諒
攝官因特暇曳裾聊起望鬱盤地勢遠參差百雉壯
翠壁絳霄際丹樓青霞上夕地出濠渚朝雲生疊嶂
籠鳥易為思屠羊無聊讓秦階端且平海水本無浪
小臣何日歸頓轡從閑放

和蕭中庶直石頭

九河亘積岨三變鬱旁眺皇州揔地德回江歎巖嶽

井幹絕蒼林雲薨蔽層嶠川霞旦上薄山光晚餘照
翔集亂歸飛虹蜺紛引擢君子奉神略暇迴馮重峭
彈冠已籍甚升車益英妙功存漢策書榮並周庭燎
汲疾移偃息董園倚談笑麾旆一悠悠謙姿光且劭
譙嘉多暇日興文起淵調日余廁鱗羽滅影從漁釣
澤渥資投分逢迎典待詔詠沼邈含毫專城空坐嘯
徒慙皇鑒揆終延曲士諳方追隱淪訣偶解金丹要
若偶巫咸招帝閭良可叫

經劉瓛墓下

隨郡王蕭子隆

升堂子不謬問道余未窮如何辭白日千載隔音通

山門一已絕長夜緬難終初松切暮鳥新楊摧晚風
榛關向蕪密泉途轉銷空

登山望雷居士精舍同沈左衛過劉先生墓

下作并序

竟陵王蕭子良

沛國劉子珪學優來仕跡通心避履信體仁古之遺
德潛舟迅景滅賞淪輝言念芳猷式懷嗟述屬舍弟
隨郡有示來篇彌頌久要之情益深宿草之歎升望
西山率尔為答雖因事雷生實申悲劉子云爾

漢嘆淹館蕪晉彌沫風缺五都聲論空三河文義絕
興禮邁前英談玄踰往哲明情日夜深徽音歲時滅

垣并揔已平煙雲從容喬尔嘆牛山悲我悼驚川逝

奉和

虞炎

下帷聞昔儒窺國信且逸聚學叢烟郊栖道事環華
戢景謝歸年稅駕望悠日庭露已霑衣松門向蕭瑟
憫憫神念周依依惠言密

奉和

柳惲

西河寂高業北海望清塵魯激誰與寄尚德在伊人
遺文重昭晰絕緒復紛綸露華向朝日蘭生無久春
芳猷動淵思撫軾履高辰山風起寒木野雀亂秋榛
壑草時易宿素軌邈難遵

奉和

沈約

表閔欽逸軌軾墓禮貞魂化塗終眇默神理曖猶存
塵駕未輟幌高衡已委門日蕪子雲舍徒望董生園
華陰無遺市楚席有靈樽玄泉儻能慰長夜且勿論
奉和竟陵王同沈右率過劉先生墓

嘉樹因枝條琢玉良可寶若人陵曲臺垂帷茂淵道
善誘宗學原鳴鍾響幽抱仁焉徂宛洛清徽夜何早
歲晚結松陰平原亂秋草不有至言揚終滯西山老

離夜

玉繩隱高樹斜漢耿層臺離堂華燭盡別幌清琴哀

翻浪尚知限客思
眇難裁山川不可夢
况及一作故人杯

同前

江丞

石泉行可照蘭杜
向含風離歌上春日
芳思徒以空情遠
晚雲叢心在夕河
終幽琴一罷調
醕誰復同

同前

王常侍

月浸高樓曉雲起
扶桑時爛蓮暖無色
行往憫想悲當軒
已凝念况乃清江
消懷入忽千里
誰緩鬢組絲

錢謝文學

沈右率

漢地水如帶巫山雲似蓋
潯汨背吳潮潺湲橫楚瀨

一望沮漳水寧思江海會
以我徑寸心從君千里外

同前

虞別駕

差池燕始飛暮歷草初輝
離人悵東顧遊子去西歸
清潮已駕渚溽露復沾衣
一乖當春聚方掩故園扉

同前

范通直

陽臺霧初解夢渚冰裁綠
遠山隱不見平沙斷還續
分絃饒苦音別唱多悽曲
尔拂後車塵我事東臯粟

同前

王中書

所知共歌吹誰忍別笑歌
離軒思黃鳥分渚青莎
翻情結遠旆灑淚與烟波
春江夜明月還望情如何

隨齋記室

執手無還顧別渚有西東荆吳渺何際烟波千里通

春篔方解箨弱柳向低風相思將安寄悵望南飛鴻

向一作尚

同前

劉中書

汀洲千里芳朝雲萬里色悠然在天隅之子去安極

春潭無與窺秋臺共誰陟不見一佳人徒望西飛翼

和別沈右率諸君

春夜別清樽江潭復為君歎息東流水如何故鄉陌

重樹日芬蓋芳舟轉如積望望荆臺下歸夢一作轉望相

思夕

卧病叙意

王秀之

貞悔不少期福極固難豫疾藥雖一途遂以千百慮

景反念徂齡帶緩每危曙循躬雖一作既已茲况復歲

將暮層冰日夜多飛雲密如霧歸鴻互斷絕宿鳥莫

能去輟我丘中琴良田一嗟故隱淪迹有違宰官功

來樹何用攬余情恨恨此故路言豈勞者歌且曰幽

入賦

和王長史卧病

岷岫款崇崔孤別朝洪河兔園文雅盛章臺冠蓋多

淵襟眷睿岳慶贊動匪歌顧影慙駢服載筆旅江沱
縞衣紛可獻琴言暖一作已和青阜向還色春潤視
生波巖垂變好鳥松上改陳蘿日與歲眇邈歸恨積
根一作蹉跎願緝吳山社寧秣楚濤池清風豈孤劭功
遂懷曾阿勿藥良有暢荏苒芳未過幸留清樽味言
藉故田莎

行園

沈約

寒瓜方卧壘秋菰亦滿陂紫茄紛爛熳綠芋鬱參差
初菘向堪把時韭日離離高梨有繁實何減萬年枝
荒渠集野鴈安用昆明池

和沈祭酒行園

清淮左長薄荒徑隱高蓬回潮旦夕上寒渠左右通
霜畦紛綺錯秋町鬱蒙茸環梨殿已紫珠榴折且紅
君有棲心地伊我歡既同何用甘泉側玉樹望青葱

北戍琅邪城

江孝嗣

驅馬一連翩日下情不息芳樹以佳人惆悵余何極
薄暮苦羈愁終朝傷旅食丈夫許人世安得顧心臆
按劍勿復言誰能耕與織

和江丞北戍琅邪城

春城麗白日阿閣跨曾樓蒼江忽泐泐驅馬復悠悠

京洛多塵霧淮濟未安流
豈不思撫劍惜哉無輕舟
夫君良自勉歲暮勿淹留

昧旦出新亭渚

徐勉

驅車凌早術山華映初日
攬轡且徘徊復值清江謚
杳鶻楓樹林參差黃鳥匹
氣物宛如斯重以心期逸
春堤一遊行終朝意殊悉

和徐都曹出新亭渚

宛洛佳邀遊春色滿皇州
結軫青郊路迴瞰滄江流
日華川上動風光草際浮
桃李成蹊逕桑榆蔭道周
東都已傲載言歸望綠疇

入琵琶峽望積布磯

劉繪

江山信多美此地最為神
以茲峯石麗重在芳樹春
照爛虹蜺雜交錯錦繡陳
差池若燕羽削岑似龍鱗
却瞻了非向前觀復已新
翠微上虧景清莎下拂津
峻巖如刻削可望不可親
昔途首遐路未獲究清塵
誓將返初服歲暮請為鄰

和

昔余侍君子歷此遊荆漢
山川隔舊賞朋僚多兩散
圖南矯風翮曾非息短翰
移疾覲親篇披衣起淵翫
惆悵懷昔踐彷彿得殊觀
頽紫共彬駁雲錦相凌亂

奔星上未窮，驚雷下將半。回潮清崩樹，困軋傾岸巖。
篠或傍翻石，菌無脩幹。澄澄明浦溜，衍衍清風爛。江
潭良在目，懷賢興累嘆。歲暮不我期，淹留絕巖畔。

在郡卧病呈沈尚書

淮陽股肱守，高卧猶在茲。况復南山曲，何異幽棲時。
連陰盛農節，臺笠聚東菑。高閣常晝掩，荒階少諍辭。
珍簾清夏室，輕扇動涼颼。嘉魴聊可薦，綠蟻方獨持。
夏李沉朱實，秋藕折輕絲。良辰竟何許，夙昔夢佳期。
坐嘯徒可積，為邦歲已暮。絃歌終莫取，撫枕一作自嗤。

答謝宣城

沈約

王喬飛鳧舄，東方金馬門。從官非官侶，避世不避喧。
揆余發皇鑒，短翮屢飛翻。晨趨游建禮，晚沐卧郊園。
賓至下塵榻，憂來命綠樽。昔賢伴時雨，今守馥蘭蓀。
神交疲夢寐，路遠隔思存。牽拙謬東汜，浮情反西崑。
顧循良非薄，何以儼興璠。持隨渤澥去，刷羽汎清源。

和何議曹郊遊二首

春心澹容與，挾弋步中林。朝光映紅萼，微風吹好音。
江垂得清賞，山際果幽尋。未嘗遠別離，知此愜歸心。
流沂終靡已，嗟行方至今。

江臯倦遊客薄暮懷歸者楊舸浮大川惆悵至日下
霏靡青莎被潺湲石溜瀉寄語持笙簧舒憂願自假
歸途豈難涉翻同江上夏

和劉西曹望海臺

滄波不可望望極與天平徃徃孤山映處處春雲生
差池遠鴈沒颯沓群鳧驚鷺塵及簿領棄捨出重城
臨川徒可羨結網庶時營

和王中丞聞琴

涼風吹月露圓景動清陰蕙氣入懷抱聞君此夜琴
蕭瑟滿林聽輕鳴響澗音無為澹容與蹉跎江海心

和伏武昌登孫權故城

炎靈遺劍璽當塗駭龍戰聖期缺中壤霸功興寓縣
鶴起登吳山鳳翔陵楚甸衿帶窮巖險帷帝盡謀選
叱拒溺駮驪西戡收組練江海既無波俯仰流英盼
裘冕類裡郊卜揆崇離殿釣臺臨講閣樊山開廣讌
文物共歲凝聲明且葱舊三光厭分景書軌欲同薦
參差世祀忽寂寞市朝變舞館識餘基歌梁想遺囀
故林衰木平荒池秋草徧雄圖悵若茲茂宰深遊睠
幽客滯江臯從賞垂纓弁清厄阻獻酬良書限聞見
幸藉芳音多承風采餘絢于役儻有期鄂渚者同遊行

夏始和劉潺陵

威仰弛蒼郊龍曜表皇隰春色卷遙甸炎光麗近邑
白蘋望已騁緇荷紛可襲徒願尺波旋終憐寸景載
對窓斜日過洞愧鮮飈入浮雲去欲窮暮鳥飛相及
柔翰緝芳塵清源非易揖迴江難絕濟云誰暢佇立
良宰第夜漁出入事朝汲績羽余既裳更賦子盈粒
椅梧何必零歸來共栖集

和宋記室省中

落日飛鳥還憂來不可極行樹澄遠陰雲霞成異色
懷歸欲乘電瞻言思解翼清揚婉禁居秘此文墨職

無嘆阻琴樽相從伊水側

和王著作八公山

融

二別阻漢坻雙嶠望河澳茲嶺復嶺岼分區莫淮服
東限瑯瑯臺西距孟諸陸仟眠起雜樹檀藥蔭脩竹
日隱澗疑空雲聚岫如複出沒眺樓雉遠近送春日
戎州昔亂華素景淪伊穀貼危賴宗袞微管寄明牧
長蛇固能翦奔鯨自此暴浦道峻芳塵流業遠年
運儵平生仰令圖子嗟命不淑浩蕩別親知連翩戒
征軸再遠館娃宮兩去河陽谷風烟四時犯霜露一作
兩朝夜沐春秀良已凋秋場庶能築

和王主簿李哲怨情

振庭聘絕國長夜失歡宴相逢詠蕭蕪辭寵悲團一作

班扇花叢亂數蝶風簾入雙鷺徒使者帶賒坐惜紅

顏變生平一顧重借昔千金賤故人心尚爾故心人

不見一作故心不見

贈王主簿二首

日落窻中坐紅粧好顏色舞衣裝未縫流黃覆不織

蜻蛉草際飛游蜂花上食一遇長相思願寄連翩翼

清吹要碧玉調絃命綠珠輕歌急綺帶含笑解羅襦

餘曲詎幾許高駕且踟躕徘徊韶景暮惟有洛城隅

同王主簿有所思

佳期期未歸望望下鳴機徘徊東陌上月出行入稀

落日同儀曹照

參差複殿影氤氳綺羅雜風入天淵池芰荷搖復合

遠聽雀聲聚回望樹陰沓一賞桂樽前寧傷蓬鬢颯

和紀參軍服散得益

金液稱九轉西山歌五色鍊質乃排雲濯景終不測

雲英亦可餌且駐羲和力能令長卿卧暫故遇員識

新治北窓和何從事

國小暇日多民淳紛務屏闕牖期清曠開簾候風景

泱泱日照溪團團雲出嶺
峯堯蘭橙峻駢闐石路整
池北樹如浮竹外山猶影
自來彌弦望一作及君臨
箕穎清文蔚且詠微言超
已領起一作怡不見城壕側思
君朝夕頃迴舟方在辰何
以慰延頸

同羈夜禁

積念隔炎涼驤言始今夕
已對濁樽酒復此故鄉客
霜月始流砌寒蛩早吟隙
幸籍京華遊邊城謙良席
樵採咸共同荆漢聊可藉
恐君城闕人安能久松栢

謝宣城詩集卷第四

謝宣城詩集卷第五

奉和隨王殿下

其一

玄冬寂脩夜天圖靜且開
亭臯霜氣愴松宇清風來
高琴時以思幽人多感懷
幸籍汾陽想嶺首正徘徊

其二

高秋夜方靜神君肅且深
閑階塗廣露涼宇澄月陰
嬋娟影池竹踈蕪散風林
淵情協爽節詠言興德音
闔道空已積遷直愧蓬心

其三

愴愴緒風興
祁祁族雲布
嚴氣集高軒
稠陰結寒樹
日月謬論思
朝夕承清豫
徒藉小山文
空楫章臺賦

其四

星回夜未艾
洞房凝遠情
雲陰滿池榭
中月懸高城
喬木含風霧
行鴈飛且鳴
平臺盛文雅
西園富群英
芳慶良永矣
君王嗣德馨
眷此伊洛詠
載懷汾水情
顧已非麗則
恭惠奉仁明
觀淄詠已失
撫然愧簪纓

其五

南景遊清都
脩簪待蘭室
累榭踈遠風
廣庭麗朝日
穆穆神儀靜
愔愔道言密
一食繫靈表
無吝科年曆

其六

神心遺魏闕
冲想顧汾陽
肅景懷辰豫
指玦翦山楊
時惟清夏始
雲景暖含芳
月陰洞野色
日華麗池光
草合亭臯遠
霞生川路長
端坐聞鶴引
靜瑟愴復傷
懷哉泉石思
歌詠鬱瓊相
塘春多迭駕
言從伊與商
哀職眷英覽
獨善伊何忘
願輟東都遠
弘道侍云梁

其七

清房洞已靜
閑風伊夜來
雲生樹陰遠
軒廣月容開
宴私移燭飲
遊賞藉琴臺
風猷冠淄鄆
社鳥愧唐材

其八

方池含積水明流皎如鏡規荷承日滋影鱗與風泳
上善叶淵心止川淵動性幸是芳春來側點游濠盛

其九

浮雲西北起飛來下高堂合散輕帷表飄舞桂臺陽
遙階妝委羽平池如夜月眷言金玉照顧慙蘭蕙芳

其十

睿心重離拆岐路清江隈四面寒飈舉千里白雲來
川長別管思地迫翻旗回還顧臨陽關超遠章華臺
置酒巫山日為君停玉楹

十一

桂樓飛絕限超遠向江岐輕雲齊廣甸微風散清漪
連連絕鴈舉眇眇青煙移嚴城亂芸草霜塘彫素枝
氣爽深遙矚豫水聊停羲印一作已終可悅盈思且
若斯

十二

炎光缺風雅宗霸極時淪龍德待雲霧令圖方再晨
歲遠荒城思霜華宿草陳英威遽如是徘徊岐路人

十三

念深冲照廣業闡清化玄端儀穆金殿敷教藻瓊筵
船湛輕帷藹磬轉芳風旋卷鸞栖道樹方津棹法舷

歸興憑大造，昭塗良易筌。

十四

分悲玉瑟斷別緒，金樽傾風入芳帷。
散釭華蘭發明想，折中國草共知千里情。
行雲故鄉色，贈子一離聲。

十五

年華豫已滌，夜艾賞方融。
新萍時合水，弱草未勝風。
閨幽瑟易響，臺迥月難中。
春物廣餘照，蘭萱佩未窮。

十六

連漪映餘雪，巖城限深霧。
清寒起洞門，東風急池樹。
神居望已肅，徘徊舉冲趣。
拙婦如婦詠，丘山不可屢。

詠風

徘徊發紅萼，葳蕤動綠蕤。
垂楊低復舉，新萍合且離。
步檐行袖靡，當戶思衿披。
高響飄歌吹，相思子未知。
時拂孤鸞鏡，星鬢視參差。

詠竹

前窓一叢竹，青翠獨信高。
南條交北葉，新荀雜故枝。
月光踈已密，風來起復垂。
青鳧飛不礙，黃口得相窺。
但恨從風籜，根枝長別離。

詠薔薇

低枝詎勝葉，輕香幸自通。
發萼初攢紫，餘采尚霏紅。

新花對白日故藥逐行風參差不俱曜誰肯盼微衰

詠蒲

離水蒲結水散為珠間厠秋菡萏出入春鳧雛
初萌實離粗暮蓋雜椒塗而悲堂上曲遂錄黃金軀

詠兔絲

輕絲既難理細縷竟無織爛熳已萬條連綿復一色
安根不可知縈心終不測所貴能卷舒伊用蓬生直

詠落梅

新葉初冉冉初藥新霏逢君後園讌相隨巧笑歸
親勞君玉指捕以贈南威用持挿雲髻翡翠比光輝

日暮長零落君恩不可追

遊東堂詠桐

孤桐北窓外高枝百尺餘葉生既婀娜葉落更扶踈
無華復無實何以贈離居裁為圭與瑞足可命參墟

詠墻北梔子

有美當階樹霜露未能移金簣發朱采映日以離
幸賴夕陽下餘景及西枝還思照綠水君階無曲他
餘榮未能已晚實猶見奇復留傾筐德君恩信未貲

同詠樂器

琵琶

王融

抱月如可明懷風殊復清絲中傳意緒花裏寄春情
掩抑有奇態淒鏘多好聲芳袖幸時拂龍門空自生

箎

沈約

江南簫管地妙響發孫枝
慈慙寄玉指含情舉復垂
雕梁再三繞輕塵四五移
曲中有深意丹誠君詎知

琴

洞庭風雨幹龍門生死枝
雕刻紛布護沖響鬱清危
一作春風搖蕙草秋月滿華池
是時操別鶴淫客

淚垂

蕙草一作綺草

同詠坐上器玩

竹檳榔盤

沈約

梢風有勁質柔用道非一平
織方以文穹成圓且密
薦羞雖百品所貴浮天實
幸承歡醕餘寧辭嘉宴畢

烏皮隱几

蟠木生附枝刻削豈無施
取則龍文鼎三趾獻光儀
勿言素常潔白沙高推移
曲躬奉微用聊承終宴疲

同詠坐上所見一物

幔

王融

幸得與珠綴暴歷君之楹
月映不辭卷風來輒自輕
每聚金鑪氣時駐玉琴聲
但願置樽酒蘭缸當夜明

簾

虞炎

青軒明月時，紫殿金風日。曛隴引光輝，掩曖映容質。
清露依檐垂，蛸絲當戶密。寒開誰共臨，掩晦獨如失。

席

柳惲

照日汀洲際，搖風綠潭側。雖無獨壘絲，幸有青袍色。
羅袖少輕塵，象床多麗飾。願君蘭夜飲，佳人時宴息。

同前

木生朝夕池，落景照參差。汀洲蔽杜若，幽渚奪江蘺。
遇君時採擷，玉座奉金卮。但願羅衣拂，無使素塵彌。

詠竹火籠

沈約

結根終南下，防露復披雲。雖為九華扇，聊可滌炎氛。
安能偶孤白，鶴外織成文。覆持鴛鴦被，百和吐氛氲。
忽為織手用，歲暮待羅裙。

同前

庭雪亂如花，井水繁成玉。因炎入貂袖，懷溫奉芳褥。
體密用且通，文邪性非曲。本自江南墟，嬾娟脩且綠。
暫承君玉指，請謝陽春旭。

詠鏡臺

玲瓏類丹檻，宮亭似玄闕。對鳳懸清冰，垂龍掛明月。
照粉拂紅粧，插花理雲髮。玉顏徒自見，常畏君情歇。

詠燈

發翠斜溪裏蓄寶宕山峯抽莖類仙掌街光似燭龍
飛蛾再三繞輕花四五重孤對樹一作相思夕空照舞
衣縫

詠燭

杏梁賓未散桂宮明欲沈暖色輕帷裏低光照寶一作
瑤琴徘徊雲髻影灼燥綺疏金恨君秋月夜遺我洞
房陰

詠邯鄲故才人嫁為厮養卒婦

生平宮閣裏出入侍丹墀開筭方羅縠窺鏡比娥眉

初別意夫解去久日生悲顯悴不自識嬌羞餘故姿
夢中忽彷彿猶言承讌私

詠溪鵝

蕙草含初芳瑤池暖晚色得所鴻鸞影晞光弄羽翼

聯句

阻雪

積雪皓陰池北風鳴細枝九達密如繡何為遠別離
颼風庭舞流霰冰沿結文漸飲春離以煥欽賢紛若
馳江秀珠雲條間響玉雷檐下垂枯酒不相接寸心
良共知融飛雲亂無緒結水明曲池雖乖促席讌

白首信勿虧

王簡陵僧孺

飄素瑩檐溜嚴結噎通岐樽壘

如未澣况乃限音儀

謝洗馬吳

原隰望徙倚松筠竟不移

隱憂恧萱樹忘懷待山巵

劉中書繪

初昕逸翮舉日吳駕

馬疲幽山有桂樹歲暮方參差

沈約

還塗臨渚

綠水纈清波青山繡芳質落景皎晚陰殘花綺餘日

何從白沙澹無際青山眇如一傷此物運移惆悵望

還律即吳白水田外明孤頂松上出即趣佳可淹淹留

非下秩

府君

紀功曹中國

蘭庭迎遠風芳林接雲萼傾葉順清飈脩莖佇高鶴

何從事連綿夕雲歸掩曖日將落于陰不可留蘭墀豈

停酌即吳丹櫻猶照樹綠筠方解籜求志能兩忘即賞

謝丘壑

府君

閑坐

雨洗花葉鮮泉漫芳塘溢藉此閑賦詩聊用蕩羈疾

陳霖霖微雨散萎蕤蕙草密預藉芳筵賞沾生信昭

悉功曹紫葵窓外舒青荷池上出既闔穎川扇且卧

淮南秩府流風薄晚陰行雲掩朝日念此蘭蕙容徒

有芳菲質何從

侍筵西堂落日望鄉

沉病已綿緒一作綿負官別鄉憂高城悽夕吹時見國

煙浮曹漢輕雲晚風高樹秋鄉山不可望蘭厄

且獻酬君府是高識氣迥泉停知潦收幸預慶延渥方

且一作將沐恩猷紀功曹芸黃先露早駮一作駮騷暮秋

舊城望已肅况乃客悠悠何從

祀敬亭山春雨

水府衆靈出石室寶圖開白雲帝鄉下行雨巫山來

君歌風讚靈德舞蹈起輕埃高軒乍留吹鳥羽或緋

徊何從福降群山下識逸百神該青玄飛層隙赤鯉

詠瀾隈即齋奉

往敬亭路中

山中芳杜綠江南蓮葉紫芳年不共遊淹留空若是

君府綠水豐漣漪青山多繡綺新條日向抽落花紛已


委何從弱蔓既青翠輕莎方霏靡鷗沒而遊齋麋

騰復倚即齋春岸望沉沉清流見瀟瀟幸藉入外遊

盤桓未能徙即陳騫把瓊杵隨也訪靈詭榮楯每嶙

岫林堂多砢礪君府

南齊吏部郎謝朓長五言詩其在宣城所賦藻績尤
精故李太白詠澄江之句而思其人杜少陵亦曰詩
接謝宣城也余至郡視事之暇裒取郡舍石刻并宣
城集所載謝詩絕得二十餘首繼得蔣公之奇所集
小謝詩以昭亭廟壘嶂樓綺霞閣所刻及文選玉臺
新詠本集所有合成一編共五十八篇自謂備矣然
小謝自有全集十卷但世所罕傳如采海陵王墓誌
集中有之而筆談乃曰此銘集中不載蓋雖存中之
博亦未之見也而余家舊藏偶有
與樂章以外詩乃百有二首而唱



見者不與焉以是知蔣公所謂本集者非全集矣於
是屬之僚士參校謬誤雖是正已多而有無他本可
證者故猶有闕文銀版傳之目曰謝宣城詩集其下
五卷則皆當時應用之文衰世之事其可采者已載
於本傳文選餘視詩劣焉無傳可也遂置之紹興丁
丑秋七月朔東陽婁紹題

